

43

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis decimâ sextâ Januarii 1710.

M. CLAUDIO BERGER, Doctore, Medico
Regis ordinario, è Regiâ Scientiarum Academiâ,
Præside.

Utrum ex Mineralibus & Metallicis Chronicorum Morborum certior Curatio?

I.

OMNES ex uno fonte, liquidorum inspissatione, sive acuti, sive Chronici morbi scaturiunt. Liquida quasi vi sibi insitâ concresecunt, cum ipsæ sint animantium & vegetabilium, quibus veseimur, liquefactæ Gelatinæ, quæ exhalante calore congelantur; motu verò libero, & expedito feruntur, & volvuntur summâ velocitate, dum solidorum vi & elatere comminuta, contrita & impulsâ in tubulos dissolvuntur, salibus eorum & sulphuribus, motu fermentationis, convenienter evolutis; hinc partes & viscera, à rectè subactis irrigata liquoribus, defunguntur alacritè officiis, & fruitur animal intaminatâ sanitate, quæ citò labefactatur, aberrantibus, à ratione Mathematicâ Diametri tubulorum liquidorum fermentatione & eorum motu circuitiois; hunc acceptum referunt & æquabili servant tenore à motibus cordis, siventibus ceterorum corporis motibus tonicis solidorum; liquida sensim spissantur pro eorum motu remissionis gradibus; laxantur solida, perverso liquidorum motu; ita ut integra non possit esse sanitas, mutuam nisi solida & liquida sibi præstent operam; utrum solida motum à liquidis; liquida à solidis accipiant, res est difficultatum plenissima: Quidquid sit, his motibus retardatis, liquida glutinosa fiunt; adauctis solvuntur, & nascuntur morbi, tum acuti, tum Chronici, ideoque secundum magis aut minus tantum discriminantur; licet typo suo & quasi caractere longè & essentialiter ab invicem videantur removeri; utraque prosapia ab iisdem ducit exordium natalibus; utrinque concidunt, aut obliterantur fun-

ctiones ; motus partium utrinque laboriosus est ; idem ubique Chorgium Symptomatum ; quæ , si vehementissima sint , morbus acutus ; si debiliora & diuturniora Chronicus dicitur ; metire gradus spissationis liquidorum , pro remissionis motuum gradibus ; Maximè lutulenta sunt in Apoplexiâ , minùs in Hydrope , in Epilepsia ; majus etiàm aut minus periculum est ratione partium , quibus inhærent concreta liquida ; si stagnant in capite , morbum acutissimum & lethalem inferunt ; delata & capite in partes inferiores , eodem inquinata vitio , ex morbo lethali , morbum gignunt in plures annos non rarò protrahendum ; Indè suadet ratio in spissationibus liquidorum inesse gradus varietatis in infinitum , ex quibus emergunt morborum omnium varietates : Lac , pro viribus acidorum , quibus permixtum est , tardiùs aut citiùs patitur concretionem ; in serum facescens , varios refert pro variâ acidorum indole sâpores ; solo inspissatum nitro aëris , rancedine & acredine aut sâpore inficitur alieno , ab eo , quem refert , ubi citò coagulatur ab acido potentiori : Sic liquidis inimico fectis coagulo statim labascit nativa functionum alacritas , frangitur insita vis solidorum , exoritur morbus acutus , qui varium inducit ingenium , pro varietate fermenti & singulari , eoque variò partium contextu . His continetur morborum acutorum Mechanica ; his , cum levi discrimine , Chronicorum origo ; dum fermentum non potens tacitè admixtum liquidis , pedetentim , motum solidorum retardat , liquida paulatim densata in serum facescunt varii sâporis , & acedinis , pro ejusdem fermenti luxuriantis naturâ : Labem & coagulum sensim suscipiunt ex carnibus sale conditis , aut siccatis fumo ; soluta referunt aquæ fortis acedinem , molestos excitant doloris sensus , maculis inficiunt cutem nigricantibus , rodunt dentes & gingivas , & nascitur Scorbutus ; Cautico magis prâgnantia sale morbos pariunt pestilentes & atrocissimos ; mitiori saturata præbent originem Podagræ , Rhumatismis aut alterius ægritudinis insultibus .

I I.

ACUTORUM & Chronicorum morborum , Varia , ut plurimum , sunt symptomata , gravitates , & dolores capitis , stomachi , membrorum omnium ; spiritûs & urinæ difficultas , anxietates præcordiorum , quæ demonstrant sanguinem non ferri motu libero , viasque , aut esse obseratas ; aut imbutas infenso liquidorum visco ; summa sese movendi impotentia , quæ vix primùm ab ipso ægrotante percipitur , nequè , nisi tractu temporis , invalescente morbo Chronico , sit manifesta : alimenta , aër , quem ducimus , vitia solidorum , otiosa vira , animi perturbationes , & res quæ non naturales vocantur , istius

inspissationis parentes sunt causæ. Enim verò non rarò prægnantia sunt alimenta salibus & sulphuribus, texturis tum solidorum, tum liquidorum, nullatenus Analogis; Paulatim horum particulæ deflectunt à figuris motui aptioribus; Sales & sulphura tardiori elatere aëris excitata, nec, ut antea, soluta sensim coalescunt; substantiis permixta heterogeneis falescunt in sales falsos omnis generis & indolis; & unâ cum sulphuribus crassam molem & inertem ita consequuntur, ut fluida penè, quasi gelu, correpta arefcant: extraneo etiam fermento, velut cænofo liquore intercepta, vires amittant suas, nec possint explicare; exhausto quoque Phlegmate, vel copioso sudore, vel urinis, vel Pharmaco potentiori, quod superest lutulentius factum impar est solvendis, eâ ratione, salibus, ut hi valeant à sulphuribus, primum ab aëre, eas motuum leges suscipere, quæ animali æconomix convenient; sic innumeris liquidorum partes inter se modis compositæ pariunt novas texturas & immensam Phænomenum varietatem; hinc quorundam morborum pertinacia; hinc alii facilè cedunt; hinc illorum vehementia; horum tolerabiles impetus: tam pertinacitè ergo ad inspissationem contendunt & feruntur liquida, ut, ne labem hanc naturæ tam inimicam contraherent, summa cautio in fabricâ corporis humani, à supremo Artifice, fuerit adhibita; inde patientes contextæ fuerunt viæ, in variis partiùm incerniculis, quibus succi, aut copiâ aut qualitate, noxii eliminari possint è Corpore; Quod ab insensibili transpiratione superest, si quiete nimia, aut vario partium inter se consortio viscidius, quàm par est, evadat, Machinulis elaboratur, quibus instruuntur vel minimi Corporis recessus, ad trituranda perennitèr liquida, fabricatis; Arterias intellige, quæ perenni & tonicâ vibratione feruntur, omnes sanguinis moleculas comprimentes; musculos, ex quibus vel aliæ contexuntur partes, vel illis aptantur; membranas à cerebro in totum corpus diffusas, quæ tùm Nervos, quos involvunt, tum glandulas, aliaque incernicula, premunt adeò, ut, musculis vicinis opem ferentibus, & prò insitâ vi nitentibus, secernantur liquida, quæ debent secerni; si utilia sint, aut in partes solidas infiguntur, aut aliis infunduntur liquidis Machinæ conservationi inservientibus; si effæta & concordix cæterorum repugnantia extruduntur: Brevi idcirco corrueret ingeniosum opus, nisi solida summâ, quæ coeuntibus, ut in gravibus accidit morbis, nisi solida summâ, quæ gaudent, vi, tot obices superarent; æquivalet cordis robur ponderi 180000. vesicula muscularis, levissimâ spiritum & sanguinis ebullitione, immani pondere contrâ enitente, facilè intumescit, atque, ut tumida perseveret, Arithmetica legibus compertum est, satis esse, ut sanguis

Bernoullius:

& spiritus actione directâ æquivalent, aut possint sustinere 22900000 partem ponderis obsistentis vesiculæ parietum distractioni, dùm illam conatur ad ovalem figuram aut cylendricam, quantum potest, adducere; liquida ita inspissantur, ut solidorum vim inmensam obtundant; solida ita vitis afficiuntur, ut resistantiam liquidorum non possint superare; hinc morbi; hinc machinæ interitus. Verùm omnia inter solida & liquida aër nusquàm per se labem inurit corpori, cùm solus sit potissimùm, qui vim & motum impertiatur machinæ, quoties particulis tetrìs non inficitur è terrâ erumpentibus. Hæ intrâ partes liquidorum & tubulorum fibras insertæ amborum motum debilitant, & sunt, aut sales agrestes, vitriolici, aluminosi, aut sulphura crassa, metallica, mercurialia, aut quæ arsenici vim imitantur indomitam; quæ damnosa, Chymicis nisi mitigentur laboribus; nam si spirales his sint implexæ particulis aëris laminæ insitum nequeunt evoluerè elaterem, nec liquidis motum communicare, ita ut ejusdem aëris crassi, diversâ ratione, alteratâ, varios, quibus regiones variæ obnoxia sunt, morbos generant; sic Phthisis familiaris est Lusitanis & Anglis; Angina Styriæ incolis; Lues venerea Americanis; Mediolanensibus Podagra; Epilepsia Florentinis; Saxonibus, Friscis, Batavis, totique Scaniæ & Norvegiæ, Scorbutus: Verùm, cùm ubique diffusa hæc Miasmata omnibus terræ tractibus incumbunt, pro diversis atrocitatis gradibus & modis, citiùs aut tardiùs, acerbius aut mitiùs afficiunt homines, & tantæ morborum illadi præbent originem, spiritus irretiendo, molem inspissando sanguineam, viscidos reddendo succos ex alimentis pessimè subactis prodeuntes, solidarum laxando motrices partium fibras; convenientes sanguinis, & omnis generis succorum impediendo & triturationes, & secretiones, subvertendo tandèm solidorum & liquidorum concordiam, à quâ pendet omnium functionum integritas.

III.

Metallis & Mineralibus nihil potentius, ad solvenda liquida nimium spissata; hoc præstantissimum absolvunt opus, principiorum beneficio, quibus pollent Metalla & Mineralia: An Sal, Sulphur & Mercurius vera sint mixtorum principia, parùm interest; sufficit, ut ex iis eliciantur resolutione Chymicâ; ut sola sint maximè actiuosa, quæ post resolutionem sensus nostros afficiant, ac quæ præsertim, in mendo, humana corpora possint immutare: Salium omnium semina non ineptè, cum helmonto, in aquis reponenda sunt; ubique diffusa, varia fiunt, pro terræ matricum ratione & diametro, pro vario Sulphuris & Phlegmatis connubio; hinc quibusdam in locis, sales reperias species

ſingularis, acidus, ſalſus, aluminofus, vitriolicus; in aliis ſales, indolis diverſæ: unicuique tamèn eſt, in rerum naturâ, ſalis genus, acidum ſcilicet, à quo cætera, quæ terra ſinu ſuo recondit, aut dorſo ſuſtinet, ducunt exordium; multiplex ſal in Chymiâ; ſales quos è mixtis ignis educit, vel ſunt acidi, vel alkalini; fixi vel volatiles; utrique, ſi excipiamus acidus, ſunt ignis opus, & ſeu diſtillatione, ſeu igne aperto eliciantur, cum ſulphuribus remanent conjuncti, eâdem ſerè indole, iſdemque gaudentes viribus: è crambe & ſolano furioſo ſal idem, artis ope, extrahitur; ex aliis vegetalibus idem ſal alkali, aut parùm diſcrepans; in mineralibus & metallis eadem reconduntur Principia, ſed majoris virtutis; ſal etenim in iis eſt Sulphur, Mercurius, Phlegma, terra; è mineralibus faciliùs hæc extrahuntur principia, difficiliùs è metallis, quorum partes inter ſe maximè cohærent; vegetabilium principia, utpotè minùs matura, artificio ſimpliciori, educi ſolent; mineralia, & metalla rigidioribus, durioribuſque conſtata particulis non obſequuntur, niſi ignis aut menſtruorum potentiſſimorum viribus, & ſerè ſemper indigent laboribus Chymicorum, ut inimica eorum indoles caſtigetur: hinc norunt in arte ſpagyricâ verſati, ſulphura veneris, Antimonii, Arſenici, Mercurii; Oleum Vitrioli, ſpiritus ſalis, nitri, aluminis, ſublimatum corroſivum ita contemperare, ut hæc, malignitate depoſitâ, motus humorum fluctus ſecurè componant, partium functiones abolitas aut depravatas reſtituant, & afflatu benigno ſanitatem revocent ſæpè ſapiùs deploratam.

I V.

PERTINACIORES ſunt, in morbis chronicis, liquidorum inſpiſſationes, ut menſtruorum viribus, à quibus ſolvuntur alimenta, facilè cedant; ut accuratæ victûs rationi, immutationi aëris, naturæ in præceps ruentis conamini, & exquisito ſelectui ciborum obſequantur; indigent præterea præſtantioribus auxiliis, quæ tenaciores dividant ſuccos, aut effictos renovent; debiliorem partium ſolidarum reſtituant elaterem, & pernicioſas reſerent viſcerum incerniculorum obſtructiones; tot commoda rarò, aut nuſquàm aſſequuntur agri venæ ſectionibus, & auxiliis, quæ animalia & vegetantia ſubminiſtrant: Venæ ſectio, dum, morbis in acutis, molem imminuit ſanguineam ab inſolenti fermentatione, nimioque calore inſpiſſatam, & agrè ferentem in vaſa, ſpiritus æſtro percitoſcoercet, imminentibus aut præſentibus medetur inflammationibus, inſenſas reprimat fibrarum nervearum irritationes, naturam levat obrutam ſub pondere, paratque viam purgantibus humores noxios foràs eliminaturis; verum, cum, in chroni-

nicis affectibus, menstrua, quæ vocant, digestivæ, aut visco sint nimium irretita, aut destituta spiritibus; cum sanguis eadem laboret spirituum inopiâ; cum præ crassitie solitas difficulter peragat circuitiones; cum partes solidæ à lutulentioribus aut laxentur, aut obstruantur succis, satis compertum est, venæ sectionem, chronicis affectibus, aut parum, aut nullatenus esse profuturam; non majoris erunt emolumenti remedia ex animalibus & vegetabilibus educta; hæc sunt vel purgantia, vel alterandi virtute prædita; purgantia aut mollioribus conflata particulis, ut cassia, manna, rheum, intimos parum pervadunt corporis recessus, morbificos humores expulsura è corpore; aut rigidioribus salibus facta, ut acria salia & resina, molestas & aliquandò lethales excitant inflammationes in partibus, per quas hæc feruntur purgantia; alterantia, si volatilia sint, ut juscula viperina, ardentes spiritus, tantam excitant in sanguine & turbam & inflammationem, ut sæpe sæpius magis officiant, quàm prosint ægrotantibus; si maximè sint diluta, ut apozemata & juscula amara, nisi parca manu, & consilio sagaci adhibita sint, nauseam excitant, & subvertunt ciborum appetentiam; si tandem terrestria sint, ut creta, corallium, cancrorum pulvis, si faciliori dissolvantur negotio, à fermento stomachico, ejusdem convenienter non infringunt aculeos, nec possunt mederi & aciditati nimie, & inspissationi sanguinis; hinc fit, ut tot auxiliis, chronicis in affectibus, adhibitis incassum, remedia mineralia & metallica à viris medentibus usurpentur foelicitè; Si v. g. præpolleat in ventriculo rodens fermentum, obtundunt absorbentia metallica; si viscerum obstruantur incernicula, concretos solvunt humores chalybeata; si urgeat alvi profluvium à bile effrenatâ, & ab impeditis visceribus, sanant aquæ Forgenses; si perturbetur coctio ciborum à viscidis humoribus hærentibus ventriculo, & congeniti fermenti involventibus aculeos, succurrit emeticum, turbas reverà movens, sed breves; si ferinus humor pulmones irritans tussim exciter, à lacte & diætâ, non mitigatam, aquæ castigant plumberianæ Saponenses pthysicis tam salutiferæ; si sanguis crassior factus ab acido præpollenti ægrè feratur in vasa; si præ spirituum animalium inopiâ solidæ partes laxentur nimis; si præ nervorum obstructione aut compressione laborent paralyti, ad aquas Vichienses & Borbonienses tanquam ad sacram anchoram confugiat Medicus, necessum est; illæ Vichienses aquæ sale, quo pollent, uberrimo viscidos liquant humores in primis viis reconditos, & impedimenta facientes in visceribus, eosque deturbant; dum sanguini permixtæ strictiorem ejus dividunt compagem, & spiritus aut solvunt, si sopiti sint, aut generant, partesque roborant solidas;

aquæ Borbonienses pauciori sale, sed uberiori prægnantes sulphure, eoque volatili, acidius castigant fermentum coctionis opificem, debiliores firmant ventriculi fibras, referant viscerum obstructions, tenuiorem reddunt sanguinem, languentes exaltant spiritus; si desint, adaugent; deperditum suppeditant balsamum; solidarum partium restituunt elaterem; cerebrum & nervos liberant ab infarctu; urinas & sudores movent potentissimè, seu epotæ sint, seu admoveantur extrinsecus, & inveteratis prosunt ulceribus, ad instar ferè aquarum Barregianarum, vel corpus extraneum, si quid sit, expellendo, vel avertendo serum impediens coalitum ulceris; innumerabiles tandè morbos sanant Thermarum aquæ & metallica medicamina, quos reliquerant intactos omnia vegetabilium & animalium præsidia.

V.

EX mineralibus igitur & metallis chronicorum morborum certior & celerior curatio repetenda erit; enimverò, licet vegetabilia, licet animalium regnum, bene multa, quæ specifica vocantur, mortalibus subministrent præsidia, seu, ut reficiantur vires, ut evolvantur spiritus à maligno fermento velut congelati, ut sales volatiles animalium; seu ut impura colluvies sanguini permixta, vel in primis viis, aut in remotis recessibus delitescens foràs eliminetur fursùm, aut deorsùm, ut radices ellebori, asari, manna, scammonium, cassia &c. sive ut securè profigetur causa dysentericæ, ut radix brasiliensis; sive tandè ut inordinatæ coerceantur sanguinis fermentationes, ut cortex peruvianus; nihilominus tamèn remedia metallica & mineralia cæteris anteponenda sunt, in chronicis affectibus; si convenientibus castigentur laboribus chymicorum, quot venena observantur in arte, quæ sunt pharmaca præstantissimæ virtutis; testis mercurius dulcis è sublimato corrosivo paratus; testes oleum & spiritus vitrioli, nitri, salis, cum spiritu vini, longâ digestionem mitigati; quot ægri, sævitia symptomatum, aut marcore, confecti ab iis sanantur feliciter; testes viscerum obstructionibus laborantes; testes epileptici, quibus cinna-
baris, præparationes martis tam fuerunt salutares: nec pertimescat aliquis usum metallorum & mineralium subactorum igne chymico; hæc ut plurimum, actione blandâ, aut partes corporis firmant, aut eliminant humores per ductus à naturâ paratos, vel emendant; & reverà quid præstantius ad luis veneræ curationem, quàm mercurius crudus, aut multoties sublimatus; quid conveniens magis ad scabiem, & humidum asthma, quàm sulphur pluriès lotum & exsiccatum; quid aptius, ad sistendum sanguinem fugientem è corpore, præmissis, ut decet,

diætâ & aliis præsidijis, quàm alumen crudum, aut dissolutum in aquâ; quam liquor stypticus, seu epotus, seu admotus parti continui solutionem patienti; quid tandèm experientiæ, quid rationi magis consonum; quàm connubium non infœlix metallorum & mineralium, cum remediis ab animalium & vegetantium familiâ suppeditatis, cujus ope morbi chronici tutiùs, citiùs & jucundiùs persanantur.

Ergò ex Metallicis & Mineralibus Chronicorum Morborum certior Curatio.

DOMINI DOCTORES DISPUTATURI.

M. Claudius du Cerf.

M. Joannes Baptista Enguehard.

M. Claudius Vergne.

M. Ludovicus Guillot.

M. Joannes Baptista Fermelhuys.

M. Joannes Depiney Peschard.

M. Petrus Daquin.

M. Joannes Cordelle.

M. Antonius de Saint-Yon, Medicus Regis ordinarius veteranus.

Proponebat Parisiis CAMILLUS FALCONET Lugdunæus,
Baccalaureus Medicus. A. R. S. H. 1710.

Typis Viduæ Francisci Muguet, Regis & Facult. Medicinæ Typographi.